

欽定四庫全書

子部

證類本草卷七



南京中医药大学图书馆版权所有

欽定四庫全書

論類不遺

卷四

文

部

部

部

書

部

永

唐慎微

撰

欽定四庫全書

證類本草

一

一十種陳藏器餘

凡墨蓋字已下並唐慎微續證類

藍實

芎藭

薜蘿

黃連

絡石

地錦扶芳土鼓石西薜荔木蓮常春藤等續注

蒺藜子

黃耆

白水耆赤水耆木耆續注

肉蓯蓉

草蓯蓉附

防風

葉附花續注

蒲黃

香蒲

續斷

漏蘆

營實白薔薇根續注

天名精

決明子左莖續注

丹參

茜根

飛廉

五味子

旋花續筋附

蘭草

忍冬

蛇床子

地膚子鴨舌草附

千歲藥藤是也

景天花附

茵陳蒿

杜若

沙參

白兔藿

徐長卿

石龍蕒

敗席
續注

薇銜

雲實

花附

王不留行

鬼督郵

唐附

白花藤

唐附

五種唐本餘

留軍待

地不容

獨用將軍

山胡椒

燈籠草

一十種陳藏器餘

人肝藤

越王餘筭

石蓴

海根

寡婦薦

自經死繩

刺密

骨路支

長松

合子草

福州馬藍



江寧府吳藍



蜀州藍葉



藍實



藍實味苦寒無毒主解諸毒殺蠱蚊

音其小兒鬼也

疰鬼螫毒

久服頭不白輕身其葉汁殺百藥解狼毒射罔毒其莖

葉可以染青生河內平澤

陶隱居云此即今染縹音禁碧所用者至解毒人卒不能

得生藍汁乃漬縹布汁以解之亦善以汁塗五心又止煩悶尖葉者為勝甚療蜂螫毒唐本注云藍實有三種一種圓徑二寸許厚三四分出嶺南云療毒腫木常名此草為木藍子如陶所引乃是蓼藍實也其普更切為澱音殿者按經所用乃是蓼藍實也其苗似蓼而味不辛者此草汁療熱毒諸藍非比目二種藍今並堪染茲藍為澱惟堪染青其蓼藍不堪為澱惟作碧色爾臣禹錫等謹按蜀本圖經云葉似水蓼花紅白色子若蓼子而大黑色今所在下濕地有人皆種之爾雅云歲馬藍注今大葉冬藍也疏今為澱者是也藥性論云藍實君

味甘能填骨髓明目耳目利五藏調六腑利關節治經絡
中結氣使人健少睡益心力藍汁止心煩躁解蠱毒日
華子云吳藍味苦甘冷無毒治天行熱狂丁瘡遊風熱
毒腫毒風癰除煩止渴殺疳解毒藥箭今金瘡血悶蟲
蛇傷毒刺鼻洪吐血排膿寒熱頭痛赤眼產後血暈解
金石藥毒解狼毒射罔毒小兒壯熱熱甘陳藏器云蘇
云菰藍造澱按澱多是槐藍蓼藍作者入藥勝槐藍澱
寒傳熱瘡解諸毒淳傳小兒先瘡熱腫初作上沫堪染
如青黛解毒小兒丹熱和水服之藍有數種蓼藍最堪
入藥甘藍此人食之去熱黃也又云青布味鹹寒主解
諸物毒天行煩毒小兒寒熱丹毒並水漬取汁飲燒作
黑灰傳惡瘡經年不差者及灸瘡止血令不中風水和
蠟熏惡瘡入水不爛熏嗽殺蟲熏虎狼咬瘡出水毒又
於器中燒令煙出以器口熏人中風水惡露等瘡行下
得惡汁知痛痒差又入諸膏藥療丁腫狐刺等惡瘡
又浸汁和生薑煮服止霍亂真者入用假者不中

圖經曰

藍實生河內平澤今處處有之人家蔬圃中作畦種蒔三月四月生苗高三二尺許葉似水蓼

花紅白色實亦若蓼子而大黑色五月六月採實按藍有數種有木藍出嶺南不入藥有松藍可以為澱者亦名馬藍爾雅所謂葦藍是也有蓼藍但可染碧而不堪作澱即醫方所用者也又福州有一種馬藍四時俱有葉類苦益菜土人連根採之焙搗下菴酒服錢七治婦人敗血甚佳又江寧有一種吳藍二三月內生如蒿狀葉青花白性寒去熱解毒止吐血此二種雖不類而俱有藍名又古方多用吳藍者或恐是此故并附之後漢趙岐作藍賦其序云余就醫偃師道經陳留此境人皆以種藍染紺為業藍田彌望黍稷不殖至今近京種藍時盛云藍汁治蟲牙傷咬劉禹錫傳信方著其法云取大藍汁一挽入雄黃麝香二物隨意着多少細研投藍汁中以點咬處若是毒者即並細服其汁神異之極也昔張薦員外在劔南為張廷賞判官忽被班蜘蛛咬

項上一宿咬處有二道赤色細如箸繞項上從宵前下至心經兩宿頭面腫疼如數升盤大肚漸腫幾至不救張相素重薦因出家財五百千并薦家財又數百千募能療者忽一人應召云可治張相初甚不信欲驗其方遂令目前合藥其人云不惜方當療人性命耳遂取大藍汁一甕盥取蜘蛛投之藍汁良久方出得汁中甚困不能動又別搗藍汁加麝香末更取蜘蛛投之至汁而死又更取藍汁麝香復加雄黃和之更取一蜘蛛投汁中隨化為水張相及諸人甚異之遂令點於蚊處兩日內悉平愈但咬處作小瘡痂落如舊又中品著青黛條云從胡國來及太原廬陵南康等染澁亦堪傳熱毒等染菟上池沫紫碧色者同青黛功

聖惠方

治時氣熱毒心神煩躁用藍澁半大匙以新汲水一盞服

又方

治小兒中蠱下血欲死
搗青藍汁頻服半合

千金方

治脣上生瘡連年不差以八月藍葉一片搗取汁洗不過三日差

又方

治自縊死以藍汁灌之又極須安定其心徐緩解慎勿割斷絕抱取心下猶溫者刺鷄冠血滴著口

中即活也

男雌女雄

又方

熊傷人瘡燒青布熏瘡口毒出仍煮葛根全濃汁以洗瘡口十度并搗葛根為散煮葛根汁服方寸

七日五服差

又方

治蟹癰藍葉一斤搗以水三升絞取汁服一升日二

千金翼

治急疳蝕鼻口數日欲死取藍澱傳之全遍日十度夜四度差

肘後方

治人身體重小腹急熱上衝肯頭重不能舉眼中生膜膝脛拘急欲死取藍一把水五升鼠屎

兩頭尖者二七枚蒸取
二升盡服之溫覆取汗

葛氏方

新被毒箭搗藍青絞汁飲并傳瘡上如
無藍可漬青布絞汁飲之亦以治瘡中

又方

中水毒搗藍青汁以少
水和傳頭面身上令匝

又方

服藥過劑煩悶及中毒煩悶欲死搗藍
取汁服數升無藍漬青絹取汁飲亦佳

又方

食杏仁中毒
藍子汁解之

梅師方

治虎傷人瘡取青布繫捲作纏燒一頭
內竹筒中射瘡口令煙熏入瘡中佳

又方

治上氣咳嗽呬呀息氣喉中作聲唾粘以藍實葉
水浸良久搗絞取汁空腹頻服須臾以杏仁研取

又方

研取汁煮粥食之一兩日將
息依前法更服吐痰盡方差